

佛



古廉李先生詩集卷三



南京國子監祭酒門人

吳節編集

致仕大理寺右少卿弋陽李奎校正

五言古詩

哭幼子剛四首

汝生二十載我未識汝面前年侍母來喜得一相見  
 倏忽過我長體貌亦豐健談笑愜人情應對如丸轉  
 親戚無不愛賓客喜相羨有子得如此足遂平生願  
 忽然別我還中心猶眷戀  
 前年送汝歸今年哭汝死汝死不復見我哭何裨已



肝腸成寸裂愁思誰能理老病苦相侵如何復堪比  
日暮無人未獨坐空齋裏恍若夢寐中見汝忽驚起  
有淚如懸河可到黃泉底  
古者賢達士何以成高名唾面不自拭欲罷他人情  
方今慝暴子視古尤可懲我慙失汝教使汝成其生  
涼颼吹庭樹颼颼送愁聲晚聞慈鳥啼苦泪填我膺  
空齋獨懷感憤然何時平

汝有父母在如何忽云亡亦知有定分父子情難忘  
悲來輒垂淚淚盡情愈傷生死不相見況復在他鄉  
翹首望南雲遠見孤鳥翔安得有羽翮飛去隨汝傍

一慟送汝歸山岡

雪江獨釣

朔雪浩漫漫何以慰幽獨理棹垂釣竿東流任迴復  
碧鳥帶瑤林滄洲翳瓊玉巨鰲不貪餌鮮鱗盡潛伏  
輕颼動微瀾寒色延遐矚彷彿七里灘蒼茫渭川曲  
豈必在得魚誓將遇貞卜歸去歌滄浪清風滿林谷

送羅侍即致仕得之寬二字

汝敬

同年復同道出入同襟期詞林與柏府同時被恩私  
不才返舊服高爵君自縻伊昔俱壯年向後今垂絲  
倦翼戀故林獨得懸車歸聊持一尊酒送子走河湄



商聲何處未隔岸風度之候忽異南北索居惟爾思  
和風吹征袂往駕不可攀閑河坐超越忽見門前山  
昔時釣游處幾人尋舊歡拂我衣上塵飲我林中尊  
路長多險阻海闊饒波瀾適此山水幽始覺襟懷寬  
閑來歌一曲翛然縱遐觀方耽靜中趣塵俗莫相干  
和荅柴侍郎

朝回送君行出郭已後時睽離歲月遠焉得不相思  
蓋簪豈無人知心良獨稀邊庭暫有托宰執衆所期  
行當建長策政切志不迷卿佐既隆譽斯文亦增輝  
但令世運昌敢辭精力疲賢哲每如此莫嘆歸來遲

山水小景為徐以道賦

連峰是何處瀑布凌雲流仙人不可見但見空中樓  
林居少隣並勝境誰與遊亦有知音者携琴遠相求  
過橋俯清泚舉目睇層丘岩松蔭庭綠石磴緣崖幽  
鳴琴契心賞可以長淹留無論世中事不省人間愁

流觴曲水圖

時物方暢茂佳境亦清幽脩竹繞林綠韶光綠澗浮  
群賢畢已集列坐俯長流觴至輒快飲溪壑成獻酬  
錦鱗泳碧水白日麗高丘詠諧浴沂趣樂勝濠梁遊  
山川自今古不知春復秋倦仰已陳跡千載空名留



獻秀庭泰和王先生之子積希稷為縣學訓導  
芝草生于齊庭故名

靈芝本無根發生自和氣祥慶斯可徵尋常那得致  
君家名父子文采照當世况爾英妙年揆德誠今龜  
少小服詩書出入能孝弟家室既雍睦門牆盛桃李  
二儀毓冲和三秀盈庭砌盈盈清露溥郁郁白日麗  
南山寧可同謝庭烏足擬世澤從昔來于以濟厥美  
看君非凡才榮進方自此夢松亦有期徵兆豈徒爾

揚顛道壽歲三首

讀書在山中書成有餘樂繞屋多田園出門盡菘藿

菘藿可充飢園田可藝穫春林作美酒酒熟還自酌  
醉來以此忘世事都遺落浩歌無與和餘音滿康廓  
守拙安素履富貴非所求故人不我諒欲我辭舊立  
階生書已達還有清名流雖得賢王顛何如山澤遊  
歸來藝松菊林壑多朋儔高詠終日夕焉知雪滿頭  
林居觀大化千載猶一特有生必有死視死其如歸  
凶事世不預曠達誠亦稀青山暮遲通壽寢何魏巍  
一朝壓塵俗溘然與世辭高風既已遠令名萬古垂  
使我後來人空自想容輝

送王高



暑雨少近出而有萬里行獨携

帝城酒遠饒陪長亭看君負才艱難與時俗并將付  
遠六期聊試鵬搏程嚴君久懸輿林卧閑且清汝歸  
見汝喜門庭益光榮我有子克家與汝猶弟兄於今  
獨何在送汝傷我情無心對尊酌有淚如雨傾為我  
視諸孤可有人中英丈夫四方志豈為離別繁所貴  
為人子立身以揚名行矣慎操執勿為眾所營歸來  
當顯擢霄漢蜚英聲

送鼓布政二首

索居苦無棕念我平生友一去萬餘里闊別豈不久

鴈度天邊雲鶯啼門前柳相思日幾回張望空翹首  
金風從西來忽然忻握手論舊暫得歡離情復何有  
看君負奇才磊落誰為偶雄藩布膏澤大野回枯朽  
昨來報政成偏承

主恩厚親友且相慰毅勤在盃酒

京邑多佳麗可以共游衍如何忽乖違頓使情繾綣  
征驂曉當發冠蓋出相餞涼颼吹洪河望望行日遠  
遙迤長淮度浩蕩大江轉楓葉楚岸秋波平峽流淺  
岷山雲欲斷滇池路猶緬居人望回轅局促思一展  
雄才膺重寄藩服暫爾遣後來宗廟罷首取重瑚璉



送王僉事孟堅歸衡東

昔時送君還觀者誰不羨輕颺颺浮雲自謂難得見  
瀟洒西莊翁優游北山彥林泉可娛老如何復膺薦  
亦有濟世心愔然別鄉縣繡衣青駝馬外臺佐邦憲  
學校育賢才士習賴丕變三載真有成報政上霄漢  
豈惟厭逢迎年老志亦倦鑑水浩微茫嵇山蔚葱蒨  
松菊待陶潛尊壚憶張翰薰風吹征袂飄飄遂歸顛  
干將既小試良玉不再銜芳草綠楊陰美竹青沙岸  
浮俗那得干山水足清玩白雲與鷗鳥消搖可為伴

送羅誠心

君從故鄉來能言故鄉事山川一如昨人情或相異  
累日聞多厭歷歷皆可愧置之勿復道尊酒且慰意  
平居不出門如何涉萬里自非獨賢勞良晤那能爾  
觴詠記昔遊清談浣離思夜闌月將落相對自忘寐  
歡樂殊未泮契闊復云始遜行秋雨中駕馬倦泥滓  
倏忽望已遙曠望徒翹企輕塵前門外閑雲楚山裏  
莫言關路遠音書可相寄

元夕後一日士暢開宴王侍讀宅得積字

正茲暖律回况爾值元夕良辰得休設勝賞隨所適  
故人有高致開宴藉幽僻縈迴西城隅弘敞玉猷宅



雖微山谷遊而絕塵俗跡列坐盡英賢諧談匪狂客  
密雪忽飄洒中庭皓盈積醉來不知寒清光滿瑤席  
豈惜歸途艱為喜見三白清搖樂清時相與歌  
帝德

送祥符劉廣文

十年一相見倏忽又別離尊酌未盡懽惻愴當路岐  
春風吹紫陌桃李正芳菲撫景豈不樂而與故交違  
馳車向何許還望西南馳新  
息亦已厚舊路當自知立馬日當午折柳鶯亂啼臨  
分何以贈愧此涼薄鮮

雙節篇

胡家有雙婦相與守孀居紅顏為新婦白髮為老姑  
姑昔得所歸未幾喪其夫撫養側室子成人事詩書  
娶婦既入門庶幾遂歡娛如何未四載亦復歸黃壚  
應門無侍子婦姑力携扶白日照素墜明月照廣除  
天心以自守之死期弗逾姑老沒泉壤婦年在桑榆  
死者既已矣生者念殘軀會當見地下不愧盟誓初  
嗟哉雙節婦允為後世模賦宜柏舟並名與天壤俱  
視彼薄俗徒泯滅竟何如

秀野堂



嘉樹繞林麓脩篁蔭庭除開門對芳草幽徑迴紫紵  
鴈落秋清淨鶯啼春雨餘容來共清賞尊酌不用沽  
神閑心跡靜地僻塵事踈俛仰中自得此樂誰能如

景賢堂

昔賢宰名邑政教何優裕百里亦曠邈民物無爭忤  
四郊徧禾黍飛蝗不能駐化孚及禽獸仁洽到童豎  
遂令古今人俛仰增慨慕况君縮銅墨踵跡意猶注  
撫摩範餘矩食息懷徃度循良古來有效茲名始著  
勵志企前聞媿美激中慤勉赴以同歸功成豈殊路  
故當昭簡冊無令誇獨步

送王御史貴莊

高堂何崔嵬翠栢相蔽虧柯葉鬱亭亭凌寒發華姿  
于時送君去臺樹生光輝清風吹別袂旭日明繡衣  
晴雲逐高蓋遠見祥烏飛玉驄帶秋色白簡肅霜威  
謇諤在言路不負夙所期才華更誰似冰蘖諒自持  
行矣保終譽以慰長相思

耕樂

守拙不用世獨分山中居原田繞林麓自能把犁鋤  
春耕始秋穫食力寧厭劬種桑南陌上放犢東城隅  
蚕絲既有望廩庾亦有儲上以輸官稅下以給妻孥



俯仰幸無匱取適不願餘雞豚滿眼前酒熟烏用沽  
興至時一酌鄰舍更相呼醉來忘日暮擊壤歌唐虞

送呂僉事

朔風吹喬林落葉聲蕭蕭冥鴻飛不度驄馬行獨驕  
繡衣帶

息光帝日麗層霄鳴珮別雙關驅車上河橋嚴冬氣  
已厲送君寒更饒遙持薊城酒聊以永今朝浮雲淡  
緬邈關河鬱迢迢別促會日難何以慰寂寥

冬至刺字

去冬到家時百務苦相逼終朝無一忻竟夕恒刺刺

今秋別鄉園復作京華客同遊喜我至為我開瑤席  
况逢佳節會故交盡來即欲報之瓊瑤相看少顏色  
尊酒豈為厚聊將豁胸臆道長方自此勿替崇令德

送王公軾還臨川

初暑見君來抄秋送君去晤語未云愜辭行亦何遽  
客遊豈不樂鄉夢縈離緒庭前五柳陰堂上雙親具  
孝養自古然而我為不顧白雲遙在望速駕難久駐  
知爾不能留聊復具尊俎一杯歌一曲不覺夕陽暮  
金風西北來蕭蕭度疎雨征帆去如飛指日臨川路  
我有一竿竹因君寄尊府此物何足貴仗此表中素



題山水

何處秋色佳滄江秋見底  
我我江上山疊疊凌雲起  
瀑布半空飛響落深澗  
裏長林幽鳥啼斷岸危橋倚  
行人騎馬過不是為官理  
既忻時序成復愛丘壑美  
嘉樹隱岩巒霜葉淨如洗  
風來林壑交日出繁霞綺  
此中有幽境不異高陽里  
安得一相從滄洲弄烟水

一絲江長

岱畎有長絲渭川有脩竹  
間來何所管垂釣清江曲  
烟景望不窮滔滔日相續  
綠簑聊備體寒暑任往復  
一竿長在手六鰲非所欲  
豈非絕流人素心恒易在

日出島嶼分波光奪人目  
鮮鱗自南去芳餌不復屬  
曠懷信有適浩歌山水綠

素軒

軒居自清幽况爾謝雕斲  
碧草上堦除黃花繞籬落  
盡日絕塵囂不知在城郭  
泊然忘世事車馬任交錯  
客來共清談有酒可斟酌  
時還歌一曲誰知此中樂

畫山水

青山何稠疊多在白雲中  
危橋度深壑襟樹連蒼松  
溪邊有微路實與仙源通  
漁舟杳然去不見桃花紅  
獨看圍棊者似是商山翁  
載歌紫芝曲何當一相逢



元夕分韻得雲字

鰲峰起西苑俯瞰太液瀆華燈燭銀漢良夜如清晨  
承恩極權賞歸來向宵分中天懸明月四望無纖  
雲率爾具尊酌盛矣集賓親談諧自忘倦興酣未覺  
醺人生在世中聚散如飈塵勉旃樹勲業庶以揚休  
芬

送陳尚書致仕還閩得去紛二字

群賢在東朝惟君播嘉譽從龍登赤霄八座承  
恩遇天邊聞履聲退在清步時時發高論可以極  
深趣胸中無襍言興來有嘉句白髮雖已多丹心抵

如故幡然念鄉邑懸輿却歸去路人盡相淚何殊漢  
疏傳

佳時羨傾蓋今朝惜離群都門秋雨霽馬何紛紛  
連雲列祖帳接席羅芳尊此別隔千里相思邈無垠  
且為留斯須觴詠暫得親悠悠杉關外漠漠炎海濱  
散金日開宴鄰里俱歡欣深息猶在念回首天邊雲

耕讀軒

城居厭紛擾別築西山隱園田極膏腴林壑深逶迤  
垂柳蔭門庭流泉落清池閑情在東臯耕獲恒及時  
公家輸稅足伏膺有餘資兒孫滿眼前誦我書與詩



朋友或相遇有酒斟酌之溪邊白鷗下岩際孤雲飛  
陶然共清適世事都不知

送羅知州得斗字

昔別是何時薰風折楊柳引領望南天  
三載一相遇垂闊念已久暫晤慰我情  
且復握君手虛懷為傾瀉豈在接杯酒  
漢庭輔相人昨者穎川守丈夫志遠大  
功名垂不朽無為傷遠離都門重翹首

題澄心老人卷

結茅清溪上遐瞰遂冲襟輕雲起西嶺  
倏忽滿泉岑流泉赴大壑泓渟泠其深  
明月澄素光鮮鱗自浮沉

怡然一室內靜坐彈鳴琴  
搖中自適調高無知音  
唯有清谿水可以鑒我心

東隣盡豪貴西里富園田  
金碧滿室中車馬盈庭前  
窸窸揚子宅寥寥唯簡編  
客來共清賞無事高枕眠  
澹泊何所取中情常晏然  
睇彼區中士誰能祛纏牽  
獨有清溪人可與同周旋

挽楊慈進士

閩邦多才雄子負英俊  
資讀書抱經濟昨者來京師  
蔚為多士寇時論盡相推  
騏驎志千里鵬鷲凌雲飛  
豈徒文章事懋德世所期  
托交媿涼薄道契即相知



如何忽淪沒寂寞令心悲消搖在冥漠夢寐想光儀  
終知不可見但然雙淚垂

送陳祭酒得橋門二字

念昔同寅日知心非一朝秋蘭翳叢薄翠栢凌寒霄  
不才果留滯迅足固遠超但使意恒親誰謂閑山遙  
心情不獲展索莫終無聊何當有翅翎飛度辟雍橋  
來朝最嘉績遷秩荷深

思拜辭黃金關餞燕城南門同袍五六人相與倒芳  
尊明霞麗華較駮馬嘶青雲丈夫貴得意離別焉足  
論行矣暢情志親交誼在敦

畫山水

瑤島倚沙橫瓊峯挿天起野樹翠凌空江流清見底  
連林帶瀑布一瀉千萬里幽處是誰家門庭靜臨水  
髣髴洪崖仙招邀赤松子誰能從之遊不食亦不死  
世事了不聞長歌白雲裏

蘭畹

數葉葳華滋滿目光風轉對此暢幽懷何必楚鄉畹  
從來君子德可以隨舒卷頌言厲雅操芳時又清選

學古齋

持身既有道為政亦有方聖賢遺訓在簡策垂昭彰



學之可成德不學如面墻看君有高志懷古意不忘  
講學恒會友積書應滿床游心羲皇上憇跡翰墨場  
出身苟有遇礪操固其常俛焉企前哲庶以登循良  
勗哉慎無怠百世其流芳

### 怡樂堂

弟兄自和好華構亦翬蜚豈惟事燕佚將以奉慈闈  
一聞埴篔奏載着斑斕衣嘉肴頽玉盤美酒黃金卮  
競舞獻壽觴綵綯晴霞飛詠我春草句歌彼棠棣詩  
慈顏既已暢昆季情始怡何必御板輿遠覽極王畿  
顧惟一堂上歡樂殊無涯君不見張仲萬古清名垂

### 劉寺副梅竹雙喜圖

西湖晴雪後疎影波上橫惟有渭川色可以伴孤清  
靈鷲何處來並立相與鳴豈必梁州石見此忠孝情  
時來苟冥會自應傳喜聲

### 送羅知州赴口北理軍餉

暑雨乍舒晴秋風忽然至送君出郊郭指途趣征騎  
握手岐路側尊酌且慰意讀書貴適用豈徒文章事  
古來重守邊芻粟宜有備折衝賴勇決贊畫勞智慧  
君才既特達專城曾一試廩實氣不餒志銳敵所忌  
歸來膺



寵擢等邊惟爾寄西北要害地屬任良匪細行矣懋  
嘉績夾輔易以致臨分述交誼匪為傷離思

止齋

閑居適志意消搖足自娛園中種葵藿架上積詩書  
真葵充我飢讀書祛我愚虛心逸窮巷浩氣隘寰區  
富貴與貧賤人情各異趨違方昧者投守正明哲居  
相如乘駟馬安卧弊廬通塞豈足異居素信所如  
高懷絕俗態允矣君子儒止此一室內從容味道腴  
陶然更何求擊壤歌唐虞

清江浦福興閘與苗侍讀留飲樹陰下

雞鳴發桃園度淮已亭午靜隨棹謳去遠入清江浦  
嘉樹攢綠陰遙望是何許為言福興閘古廟臨江滸  
上閘暫維舟登高遂容與憇陰吸佳茗芳樽亦復舉  
清風東南來白波激沙清涼蟬鳴不歇飛鳥來復去  
彼此更獻酬觴酌亦無數雖乏鼎俎味聊得幽閒趣  
沉思蘭亭會緬想山陰墅高興諒可同為知有今古  
過淮陰驛夜宿南鎖埧與苗侍讀飲柳下

落日度淮陰平湖暮煙紫遙過城隅暝色忽已至  
卸帆傍堤岸客舫畏却避行舟厭局促登陸少遊憇  
延目四無人憑高愜幽意自從泛舟來終夜不遑寐



徘徊雙樹間，尊酌且相慰。  
夜深月未出，天高衆星燦。  
清露滴垂楊，涼颼拂衣袂。  
醉來得高枕，澹然忘俗累。  
悠悠候天旦，一任扁舟逝。

郭尚書挽詩

峩峩堂邑山，高墳何嶙峋。  
徙倚望松柏，哀哉泉下人。  
昔為廊廟資，英偉誰與倫。  
京畿識桓典，郡邑留寇恂。  
藩閫得賢佐，閔洛無罷民。  
義譽達霄漢，正氣泣鬼神。  
清名海內重，履聲天上聞。  
一心抱忠悃，不為時俗堙。  
秋菊晚逾茂，霜竹寒更繁。  
古稱仁者壽，如何忽沉淪。  
悠悠滄海波，漠漠遙空雲。  
含情寧有極，萬古懷清芬。

伏日燕吳吉士宅得雲字興儉

邦彥亦何盛，接武在青雲。  
涼雨薄煩燠，華館開芳尊。  
修景回北陸，高窓來南薰。  
雅論襟諧譚，豈異居山村。  
清時恆嘉會，感我

聖明君酒酣，樂賡唱不知西日曛。

送陳御史

暑雨逾兼旬，新晴纔幾時。  
君子有遠行，驄馬當路岐。  
欲將述苦思，握手且踟躕。

聖朝重民牧，簡任深所期。  
政教亦有以，豪猾恣貪欺。  
高木集梟獍，大野號狐狸。  
豈無觀風使，餘論或及茲。



肯隨度疎雨蔓草益以滋嘉穀無由殖豈菽更何希  
君子既特達清譽早已馳松柏厲孤操凜凜凌寒姿  
持斧每一出颯然飛霜威

朝廷耳目寄黜陟恒在斯風聲苟不樹憲度將奚為  
茲行賴激揚好為蘇民罷湖山千里外政革風亦移  
傾耳聆清塵以慰長渴飢

送獨孤郎中二首

憶昔少壯日聯步登雲衢於今三十載齒髮各蕭疎  
獨懷功名志不惜筋力幼幸此際  
明世拂衣歸舊廬

息光照委佩秋色逐行車顧惟廊廟資遂此山澤娛  
英聲動寥廓美譽重璠璣臨岐羨行邁聊復傾一壺  
昔年讀書處山水還如舊蒼松與白雲豈為他人有  
江上垂釣竿門外種楊柳白日照閑庭清風度虛牖  
荒徑每自鋤時時接賓友汲我澗底泉旋剪園中韭  
雖無絲竹娛鼓動在杯酒清貧誰不厭閑居堪獨守

聽鶴軒

董軒面幽勝清絕靜者宜蒼松既亭亭脩竹亦猗猗  
白鶴在庭除濯濯青田姿仰風時一鳴天淨孤雲飛  
長日無人來靜聽心神怡何必汗漫遊三山弱水涯



顧惟一室內儵然太古時咄哉世中士營營那得知

曾菴為王太守賦

卑鄙非所志賢哲誠所希賦質美不足復禮仁可期  
內省豈啻三日夕恒孜孜力積道乃獲理會心始怡  
孰知學問功卒變愚鈍資文質既炳煥圭華生光輝  
掇科歷高爵所至皆有為居無赫赫名去則常見思  
美譽播霄漢清節人共推歆然懷不足揭扁視為規  
由來謙虛意允為進德基拙訥懵所從慧智固若茲  
有善不自伐有勞不自施仰瞻誰與同為君頌此辭

除夕宴吳編脩宅與儉

薄宦已淹久未能忘鄉閭衰老意逾切况此歲又闌  
往昔光景流來念筋骨艱為樂信幾時且盡今夕歡  
顧惟席上賓俱在親故間藍田哦松客獨有好容顏  
殘更共尊酌侵曉聯

朝班迎新勸高節無為效踈頑

中秋宴彭編脩家毓敬

秋色倏已半佳節忽又臨遙空絕纖翳廣庭無餘陰  
華筵啓良夕群彥皆同心交誼本自昔文會匪獨今  
當杯不須勸杯盡還復斟對此明月輝忘彼更漏沉  
誰能感廣寒甘受寒氣侵興來發高詠悠然治世音



九日燕集

寒日經短簷涼颼吹素衣病肺伏衾枕歡會良以稀  
幸此佳節至念我故交違招邀媿涼薄集燕洽襟期  
豈無相識人所貴在相知蘭金固已契葭玉亦有依  
采采黃金花壽以瑤瑤卮欲馮毅動意聊復歌此辭

花朝得雲字

開歲曾幾日春光已平分林花暖舒艷簷鳥鳴索群  
顧我同鄉士接武在青雲值此佳節會安得不相親  
勳志固有立輸懷各能文高詠縱清賞烏知西日曛

貞壽堂

人生遭艱虞辛苦尤可憐所天既已失淚落空潏潏  
呱呱一孩提敢望能生全幸爾得成立宗祀庶有傳  
悲風忽復至庭樹颯寒烟慘戚更何從舉目情悽然  
素帷寸心在青天白日懸單居幾多感瞬息四十年  
顛木茂餘枿賴此雨露偏養志在重闈舞衣亦踟躕  
優游享遐福甘旨供壽筵長生有餘樂何必瑤池仙  
蘇武伏節面

牧羝羝不乳慷慨瀚海隅大雪為我腫大窖為我廬  
長懷明主恩日夕思捐軀天地有終極此志難可渝  
君胡不我諒兩為腥羶驅富貴君自取蕭索我自娛



矢心勿復道白日當路衢君看舊持節生死與之俱  
送王大尹守貞之桐城

殘鵬苦多雨十日猶未晴雨中嘆契闊况復送遠行  
遠行將何之西望桐安城左馬岐路側酌酒江上亭  
暫晤聊自愜欲別難為情揚帆在倏忽返迹即前程  
白雲逐飛鳥赤縣逐行程安得與俱去日聽絃歌聲

江鄉歸趣為楊先生賦漁樵耕牧圖 五首

春雨蘇萬彙歸雲還舊山維時國元老引領念鄉關  
鄉關在何許荆郢雲夢間湖江幾千里水闊多層瀾  
昔時釣遊處扁舟任往還今持濟川楫返棹良已艱

豈聞涓滴中長戀青竹竿任重方自此可遂烟波閒  
西荆佳山水望望多喬林日出煩霧開青霄見層岑  
薰風度岩谷遙聞樵採音雲飛遠壑靜泉落幽澗深  
睇彼中林士伏不為鳴禽亦有負薪者玩奕蒼松陰  
如何在台鼎而懷丘壑心願同傳岩老乞作商家霖  
山川莽迤邐平原亦懸懸萬室樂耕鑿三時服勤苦  
阡陌少閒人原田好禾黍鴈落南浦秋鳥啼東臯曙  
務績已登場村村響機杼雲端馳歸思夢寐營農圃  
稼穡寧久遺衮職尚思補肯使耕莘人專羨耀前古  
朔風正號寒大野煦晴旭百穀畢收穫牛羊散閑牧



清川帶長薄赤壁延平陸何殊桃林野可以資蕃育  
不聞扣角音齊唱昇平曲感此時代謝歸來藝松菊  
父老日相過散金燕華屋消搖得自怡浩歌山水綠  
金華陳氏宗遠嘉會堂

勝地啟華構前峙金華岑經始諒由昔踵武還自今  
楚楚堂中人逍遙遂閒心良辰啓芳燕歡會情何深  
酌以金屈卮奏以綠綺琴載歌伐木詩雍雍有遺音  
芝蘭散餘馥桃李敷榮陰永言繼前烈因之播清吟  
輓倪郎中維招

故人忽遺榮往跡不可求暑雨洒高柳颯然涼如秋

飛鳥為我悲停雲為我愁行道亦悽惻情誼况綢繆  
感陰念疇昔淚下烏能收

贈御史尹循有規之任南京

除書初下衆情歡衣繡南行拂象冠琴醞固當留客  
醉風霜不獨到冬寒沙晴關路青駝遠雪落江楓赤  
葉乾誰說馬周才獨美會看風裁蕭

期端

贈有規考滿復職還南京

奏取南還指鳳城都亭祖餞列簪纓帝霄曉日天門  
迫翠柏秋霜憲府清歸思不隨嘶馬緩離情滿逐新



雲生臨岐握手將何贈願樹殊勳答  
聖明

贈有規長子仁器

憶自豫章相見後于今已是兩年矣分宜并洋遙相  
望灑水茅齋忽見過此夜更深論佳事  
知在秋早發  
高科從來富貴由勸苦好把詩書更琢磨

古廉先生詩集卷之三

古廉先生詩集卷四

南京國子監祭酒門人

吳節編集

致仕大理寺右少卿文陽李奎校正

五言律

送張景良省親還永新

天邊辭

鳳闕河下泛蘭舟千里還鄉思孤雲送客愁秋分涼  
樹晚帆落楚江秋獻壽萱堂後應懷親  
冕旒

九日呈同飲諸公



園門逢九日清坐得相陪正爾論文際紛然送酒來  
狂風吹破帽黃菊泛深杯盡醉斜陽裏題詩愧薄才

紀夢

環堵驚相視無言但疾垂寧知父母愛不問死生特  
深負趨庭訓空吟遊子詩慚虧忠孝事人世竟何為  
哥子欽

虎榜得聯名秋曹獨有聲不堪離別後長遣夢魂驚  
文水孤村樹蒼梧萬里程相思何處是永夜月同明  
余到城中逢與肅同歸過去伐留宿明日早別  
去伐欲留有不滿之意作詩贈予予勉強和之

云耳

城中逢舊友返路喜追陪欲到壺丘去先過剡曲來  
春舒江上柳風度竹間梅留住堪能久無端歸思催  
一夜夢中作詩覺猶能全記移時止記後四句  
及天明止記第三聯曰曠野雲千里平林樹萬  
九字而忘其韻昨夜曉覺忽記結二句是十陽  
韻遂徧念韻而後能全記焉

日出水中央人窅接混茫門墻分竹色樓閣粲霞光  
曠野雲千里平林樹萬行但聞歌吹響不省是何鄉

梅月軒



窓前梅影動見月倍分明光照庭除淨香浮几席清  
步蟾看折挂列鼎待調羹作賦憐希逸還能敵廣平

浣溪圖

山外白雲浮溪邊綠樹幽試看浣花水何似渭川流  
詩客朝回轡漁郎晚泊舟坐來清興久泛浦有輕鷗

佛嶺歸樵

荷擔侵晨去長歌薄暮歸穿林已暝色出谷向斜暉  
松徑某聲杳蟾宮桂影微鳳池回首處幽興可能違

三坳浮嵐

山勢高低起浮嵐遠近迷陰連青嶂合潤浥綠楊低

不見行人度唯聞幽鳥啼春風忽吹散崖谷可攀躋

竹岡夕照

脩竹平岡外蒼茫落照沉人家三徑僻烟樹一村深  
鳥度流寒影樵歸步夕陰忽然懷舊隱公館罷鳴琴

蒼筠急澗圖

碧澗蒼筠繞微風六月寒清陰連水次直節上雲端  
不覺臨圖畫渾疑宿鳳鳶長年無剪伐何用報平安

題山水小景

溪壑澹微茫風迴草樹香入村荒徑斷隔岸遠山蒼  
沙嶼臨寒水烟波釣夕陽扁舟隨興往不省是何鄉



送人下第還鄉

年少志窮經才文衆所稱馬蹄今暫蹶虎榜後來登  
春雨歸幽冀薰風度廣陵到家無俗事慎莫廢青燈  
送人之官廣西

送客都門道蕭蕭征馬嘶離筵芳草地鶯語綠楊堤  
客路鄉山外花封廣海西獨憐仇覽去相望益悽其

送友還鄉

薊門相見處客思正依依細雨寒猶薄扁舟遠獨歸  
河平秋水闊天淨塞鴻飛想到家林日清霜落葉稀  
夜過高郵湖

衆水歸湖闊孤舟乘夜行野蘆連岸暝漁火傍沙明  
波亂鷺禽散堤長疊石平長歌隨浩渺猶得寄餘情

過高唐寄東昌守田德弘

纒入東昌路西風馬去遲故人為郡處黎庶頌歌時  
鴈度秋聲遠雲低暮雨垂行吟不可見將爾寄遐思  
客舍夢幻子翰

別離行地遠骨肉繫情長汝小猶堪念家貧不得將  
夢中還引笑膝下每牽裳忽覺仍千里潸然淚幾行

憶次子壻

旅館悲幽獨憐渠每憶家探書纔識字見客會傳茶



樹底攀新葉，堦前路落花。何由更拘束，惆悵隔天涯。  
和鄒侍講所示夜坐韻

端坐過中宵，重衣不襲貂。燈殘花欲盡，爐暖火初銷。  
霜氣凌虛牖，寒聲迤遠颺。若為高興在，不問夜迢迢。  
送彭孚恂秀才館于安鄉伯家

薊北秋風後，相逢慰遠思。自憐為客久，翻憶別君時。  
匹馬金陵道，單車易水涯。孰知千里外，還得話襟期。

送羅主簿歸江寧

朔雪曉初晴，依依獨送行。一杯異鄉酒，千里故人情。  
旅鴈江南遠，寒雲關外平。長亭留別處，絲管尚餘聲。

元夕午門觀燈

華月出中天，瞳朧映綺筵。鰲山雙闕外，鳳吹五雲邊。  
翻袞承丹幄，金爐散紫烟。更看仙仗外，舞袖逐風旋。

送利貞謝大尹之桃源

乍捧除書出，爭看列宿名。雲隨鳧舄遠，風送鷁舟輕。  
縣古應留洞，花開故滿城。政平人吏喜，那惜別離情。  
送人之官吳中

江上送行日，離尊對別顏。雙鳧雲外去，獨騎苑邊還。  
種樹連城暗，彈琴盡日閑。相思更何處，迢迢望吳山。  
挽曾參政



政自雄藩重名從太史傳紫微深委露翠栢暗浮烟  
身外惟孤劍囊中無一錢至今睦陂路過者指新阡  
鳳凰曲

人間和氣合天上羽毛成名自詩書重祥應聖世生  
嘗隨韶樂舞曾集穎川鳴此日看圖畫因之頌德聲

古栢竹石

平沙連岸淨絕島倚江危露浥脩篁翠風驚古栢枝  
誤尋蔣詡徑疑到孔明祠更有林泉趣因之起夢思  
送劉思清

衰老恒多病那堪送客行聊將京國酒且慰故鄉情

瀘水秋容淡梅開雪色晴惠州施教處帳下盡群英

正月二十日夜宿朝房與苗侍讀劉脩撰夜坐  
至三鼓感懷有作

鼎湖龍去後仙樂不聞音時序將春半衣冠坐夜深  
燭殘堪淚落雪罷壓雲陰更想趨朝處愁懷自不禁  
樓樓書屋二首

築室瓊臺下頻年只讀書芸香浮度閣鳥跡滿庭除  
獨對青山近相過俗客疏清時多暇日何必在三餘  
一從來

帝里廿載別鄉閭鳳沼天邊客螢牕海上居官情依



玉署歸夢繞村墟何日雲林下能懸廣德車

題小景

江樹遠蒼蒼江亭帶晚涼白雲最深處清境是何鄉  
疊嶂連銀漢幽泉度石梁無因並舟楫相與浴滄浪  
梅花

靜坐對梅花心清興有涯西湖是何處寒景到人家  
色映揚州鶴香分石鼎茶清吟渾未就不覺夕陽斜

和章處士韻

無事到城稀林居與靜宜晴沙繁鳥篆煙柳拂桐絲  
地僻名從隱身閑力未衰興來移杖屐隨處得新詩

楊村驛

小驛臨河口萋萋草上堂門邊一枯井堦下幾垂楊  
寂寂塵生榻喧喧鳥過墻逢迎惟驛吏木偶被衣裳

十五日晚舟中作

晚窓初睡覺一望少人家夕照孤帆影秋風兩岸花  
舟人歌引索稚子笑傳茶為報新橋驛前頭路不賒  
過寶應入萬光湖

古戍臨河岸輕風吹浪花白鷗離客舫綠樹傍人家  
湖迥天連水堤平草護沙開窓時極目景曠興尤賒  
早膳八里鋪槐陰下



舟臨八里鋪古廟倚頽墻客路遲朝饌槐陰過午涼  
兩淘洲渚淨風送芰荷香後有經過者高懷孰與方

晚尋西澗

西澗幽尋遠繁回祇獨行深林無虎窟高樹有蟬鳴  
石澗苔痕紫山涼水氣清還瞻松栢路悽愴暮煙生  
冒雨至沙河棗林訪章公寓所章有約相待至  
則謂已前行矣

傍河迴小徑歇馬棗林間張范空然諾求羊自往還  
冥鳴過紫塞威鳳出丹山羽翮雖同奮終然不與攀  
往撫州過武陽驛

鷓鴣鳴南浦上日出武陽濱不憚關河遠應憐故舊親  
野烟炊曉爨社鼓賽秋神不識臨川路時詢獲稻人  
過進賢行路皆稱長尹有善政

試問肩輿者應知今尹名飢羸俱樂業兇暴少橫行  
犴獄無囚繫山村有頌聲誰言漢卓魯前史獨為榮  
夜宿梅根中夜風稍息乘月行舟

入夜風初定滄江水自流長年歡理楫乘月好行舟  
揆柁隨人意掀篷破客愁悠悠從此去日近

帝玉州

淮安遇姚善侍御



唐時外相齋今日內臺臣文采名猶舊風霜勢又新  
別離京國邸邂逅社湖濱畫鷁勞相送相携更愴神  
彭太守相送至南湖紫舟中坐語良久始別  
一別逾三載相逢開素襟論交坐熊久經  
國意猶深鷗狎沙邊侶鴻飛空外音莫言投老事願  
欲遂民心

夜過清河寄李太守

去年從此過秋水望中平未見蘆黃面空懸張范情  
此離經一載夢想話平生重擬來相就扁舟乘夜行  
夜行新安河中嚴冷

汀蘆秋色淨岸柳葉聲乾疎雨孤蓬夜長河九月寒  
閑吟知興極清坐覺更闌衰老猶多病無眠就枕難  
送楊少保石首

元老關西裔名儒席上玆位尊聲望重

眷厚寵恩新補袞雖多士調元更幾人暫時離別意  
杯酒且相親

天上承恩去荆南衣錦還尊壘歡父老名譽動鄉閭  
竹裏歸時徑門前舊日山庭堦多玉樹清映舞衣斑  
昭薦先瑩罷回舟未可停漸看燕樹綠微見楚山青  
駿馬雲邊路嬌鶯柳外亭薰風待來早天語更丁寧



滄江吹笛

吹笛滄江上維舟綠水灣何如遊赤壁正想泊君山  
波浪連天湧烟霞盡日間桓伊去已遠遺響在雲間  
仲昭竹為韓侍御雍題

渭川一十畝此地兩三竿盛夏那知暑隆冬豈畏寒  
清陰連野外翠色上雲端不是全高却如何耐久看

東郭草亭宴集

名園初過雨春氣曉來和一徑濃花發蒲庭芳草多  
尊壘留上客絲竹間清歌還說歡娛少相期更一過

李處士輓詩

不見紫梁客黃花空自香江通張翰宅人識鄭公鄉  
三徑餘芳草孤墳慘白楊秋風谷平里寒月夜淒涼  
送積中上人歸天竺

承

恩辭北闕飛錫返東林柳帶天邊雨松迴岩際陰談  
空青嶂曉飛臙白雲深坐對湖中月能忘去住心

五言排律

鳳池春雨為袁中書賦

亦知春雨好多在鳳池頭細浪漂萍散潛鱗出渚游  
隊分還逐鱗獨躍忽驚鷗嗟氣風雲合後龍沛澤流



日邊晴影動花底異香浮勢豈任公釣名宜賈至留  
聽鶯臨上苑珥筆近瀛洲綸綍乘時重才華羨獨優  
波光搖寶帶柳色逐驂騑何必濠梁去看圖興更幽

中和堂為胡氏題

棟宇涵高敞中和合性情禮閑宜自得春在欲同生  
虛養初無兆流行物與平天光凝湛白花氣藹融清  
砌北萱榮早樓南棣萼晴名從安定起道自洛中行  
至正人難到居群鳥不譙由来君子適景行必能成  
春日遊海印寺至月庭上人方丈

禪刹凌空出山門近水開遠尋祇樹底斜過禁城隈

鳥熟當庭下僧閑愛客來一燈還續火歷劫獨餘灰  
傍海宜看月談空想渡杯佛存金擁像砌古石扶臺  
方丈無塵到危巢有鶴回長廊聞梵罷歸騎夕陽催

挽學古先生

鄉郡多賢達先生獨有名已堪成國器况爾襲家聲  
年紀方童壯襟懷過老成看書心自得落筆眾皆驚  
客到誇仕時人知羨李膺才華今少並文字古為桂  
德重傾前輩心卑掖後生乘時膺薦剡受職佐專城  
誰信青蠅汗能令白壁輕罷官歸故里種柳近前楹  
桂樹宜招隱滄浪可濯纓自多連壁貴獨許狎鷗盟



制行祛流俗開襟向交朋共言矜式在處使棟梁傾  
何處尋蹤跡居人思典刑書囊塵繡滿總際網虫繁  
寂寞揚雄宅悽悲孺子情停雲空繾綣流涕故縱橫  
欲著先賢傳愁看太史銘楚山春雨浪忍聽夜猿鳴

除夕醉後聯句

為客仍千里俄驚歲又闌陳不聞喧爆竹李猶得頌  
椒盤陳銀燭華堂讌金樽綺席歡李清談問珠玉良  
會盡衣冠陳膾鯉寫刀細李駝峰翠釜寬陳暖隨春  
氣應李年逐漏聲殘斗柄低銀漢霜華上錦鞍陳共  
携嵩祝意不寢謁

金盞

大雨水至

暝色凝陰處濃雲翳碧天一時傾暑雨四壁湧春泉  
渾似蛟人室何如海屋仙聲疑三峽逆勢覺五湖連  
可舉任公釣堪乘范蠡船剥床應及水泥竈故無煙  
寸步誰將引丹心自可憐幾時見白日隨地得周旋

送陳理知府得金字

正爾懷離闕安知忽見尋京華一杯酒故舊百年心  
綠樹凝春色黃鸝送曉音歸期容易逼別思苦難禁  
望與南天遠情隨河水深也知高義在誰復重兼金



中伏日謝進士席上作得揮字謹收

盛時多令節嘉會未能違鳴珮趨清禁聯班近  
紫微太官應早到方朔豈遲歸華館開朝燕青尊對  
夕暉金柔時伏火暑剽汗沾衣玄鳥先秋去蒼蠅傍  
席飛羽觴從數勸紈扇不停揮明日南行客歡筵似  
此稀

補贈倪吉士扈巡卷

聖主巡方日仙郎扈蹕時榮光隨鳳輦佳氣結龍旗  
仗簇鑿聲度雲連豹尾垂暖風催草色香露滴花枝  
賈董名偏重鄒枚賦更奇錦衣橫寶帶駿馬絡金羈

行殿凌霄漢周廬肅虎貔

天顏常咫尺御路自逶迤待

詔超朝早承

恩逮食遲周南留滯者悵望在書帷

薊門曉騎送周博士

疋馬薊門前曉騰不用鞭朔風隨迅足殘雪煥連城  
城闕朝辭迥河水曉度堅長鳴向岐路獨立待離  
日色明瓊轡霜華拂錦韉駑駘馬敢並騏驎許國有  
不識羊腸險曾逢伯樂憐迹超千里外名重五雲臺  
壁水承新



命儒林憶舊瓊閣山行處遠相望思空懸

古廉李先生詩集卷四

百廉李先生詩集卷五

南京國子監祭酒門人

致仕大理寺左少卿弋陽李



五言絕句

題山水小景

辭遲暮雲深燕原春樹綠冷冷清操琴彈盡相思曲

題梅

西湖寒景外庾嶺暮雲隈不有真心在何能冒雪開

路傍林禽鳥

路傍林禽樹朱實亞枝垂行人不敢動山鳥時來窺



烏鵲

烏鵲頻啼處狂風日暮時人心自相喜凶吉爾能知

中夜飲酒

中夜渴欲飲起來還自斟數杯應不醉燈下

月下吟

夜卧不成寐淒涼誰見親起行明月下涼

夏夜

斗轉銀河久虛窓瞰遠天夜深明月

夏日雨中

黑雲半空來飛雨門前度但聞

征婦怨 三首

前年征塞北今歲戍邊西幾

獨夜登樓望如聞笳吹聲月

庭前相送處綠樹葉皆飛借問南來

商婦怨 二首

百歲以相期安知有別離去時兒在腹今

憶昔結髮時兩鬢黑如漆但恐君歸來白

楊柳枝詞

章臺臨大道栗里舊門前若被行人折何如

白頭吟



交頸鴛鴦思鳴琴誓此心如何未終曲已

桃李樹

托根遊宴地寒樹亦花開獨在淒涼處春日

古意二首

落日層臺上當歌忽自悲空令翻白雪此曲  
江上望仙山銷然響珮環如何一水近不

流水曲

滄江無日夜脉脉向東流曲岸

雜詩三首

幾年種桃李日望成大树結

杏桃作鹽梅氣管固無異惟

糜庶食田穀日向田中聚飽

子夜歌聲

子夜歌聲起華音襟月吟亦知非雅趣聊取散愁心

題畫竹五首

白石倚危坡疎篁蔭淺莎清秋涼雨過翠色覺偏多

翠羽隱遙堤脩脩拂澗霓狂風吹莫折留待鳳凰栖

綠樹滿庭陰蒼苔一徑深流塵飛不到只好撫瑤琴

種竹依庭戶閑將三徑開秋深芳草滿求他可能來

不為風霜苦那知歲月多會看裁鳳管吟弄協雲和



畫馬二首

長河堪洗馬波靜平風清看取驍騰意驂騑空得名  
幾度到沙場歸來寒草黃未能脫羈勒寧似華山陽  
題菜

名園初雨過嘉蔬寒色新惟應清淡者可以長相親  
雨止

日日船南去颺輪忽向東舟人喜相報正是渡江風

古廉李先生詩集卷五

古廉李先生詩集卷六

南京國子監祭酒門人 吳節編集

致仕大理寺右少卿弋陽李奎校正

歌行

瑞應甘露歌應 制

聖皇撫昌運大德被八埏致敬奉

宗廟潔誠以事天天監厥德神享其虔和氣既充塞  
休祥實駢聞麒麟已三出騶虞亦屢呈嘉禾朱草歲  
常產醴泉叶應黃河清白鳥及玄兔卿雲與景星紛  
現疊至不可殫名惟此甘露瑞復降干



孝陵孝陵松栢盛森鬱滾滾柯葉光玉潔萬里惟看  
嘉氣浮滿空祗覺香芬苾其凝如脂甘若饒爾林璫  
璨聯珠纓祥颺吹之不墮地赤日照耀逾晶瑩都城  
父老盡驚喜爭先快覩如雲委共言茲瑞無可擬我  
皇孝德協重華昭格天心有如此是時

鑾輅留北京

儲皇採取盛金鑿密緘馳使獻天庭祥烟瑞霭隨飛  
騰芳聲暢達天氣清

聖情悅懌受嘉禎凝神肅穆薦

太廟羣息頌賜遍公卿粵稽瑞圖驗祥經徵祥歷歷

皆可憑俗淳政治世太平天樞不動天乳明軒轅降  
精仁澤零豈羨堯時寶甕看長盈大鈞播化陶瑞物  
採而食之光可掇能使天下人民盡壽康何必金盤  
承之食玉屑偉茲

明盛世嘉瑞欣屢覩惟

皇績鴻基功德超千古仰惟

太祖靈陟降在帝所眷言錫靈貺謳吟遍率土小臣  
樗散材淺薄何所取操觚秉翰媿無能忝職詞垣竟  
何補作詩頌德烏足數願同擊壤之歌歌且舞萬歲  
千秋奉



明主

元夕觀燈 巳亥

聖人御極四海寧佳辰令節樂事并正逢元夕天宇  
晴

詔令萬國同歡情千門萬戶齊頌稱拜荷

聖主息澤宏都城城門夜不扃香車寶馬往來輕三  
神之山河崢嶸丹丘閭苑接蓬瀛六鰲戴之翠霧疑  
歛從海上來彤庭瑤林琪樹攢葱青綵毬面面相綠  
縈萬炬齊列空中明忽見春田暖氣盈東風巖岫花  
冥冥纖塵不動八柱擎珠星壁月光晶熒玉霄群僊

降瑤京金童玉女扶霓旌驟馮駕鶴青雲城隍佺羨  
門安期生寶幢羽蓋紛相迎祥烟散彩霞流頰九重  
仗出仙樂鳴榮光燁煜浮太清千官侍宴儼在廷瑤  
筵綺席羅公卿金盤珍饌散芳馨官壺仙醴酌瑤瑤  
中使傳宣教屢傾教坊伎兒多伎能新翻巧戲爭來  
呈當空躍出無所憑翻飛千尺搏雲鷹竿頭轉舞不  
暫停口中吹笛手彈箏兩柱高高橫綵組蹴踏渾如  
地上行鏡歌絲管相喧轟俳諧俚語競嘲爭烟飛寶  
柱屑瑤英種瓜植樹如生成千態千狀不可名夷蠻  
快覩喜且驚白辟萬抃揚休聲小臣何幸沐



恩榮作歌頌德情不勝頌祝

聖壽千萬齡歲歲年年歌太平

麒麟歌

麒麟之生何環奇天佑

聖德出盛時麇身散彩卿雲翥馬蹄踏鐵天風隨角  
端有肉不以觸豐隆瑩潔崑山玉龜文鼈尾豈常態  
龍頸鳳臆非凡育嬉遊每避生草行粲然毛質生光  
晶沆瀣朝食白日爭天池曉浴彤霞縈偉哉瑞獸真  
可羨前古傳聞今數見我

皇仁德被八荒遂使蕃方亦來獻拜伏龍墀馴不驚

昂首望

關時一鳴

重瞳再顧天應喜百辟抃舞騰歡聲徵祥昭德有如

此超軼溘虞古無比

聖子神孫摠孝仁不獨周詩咏麟趾

福祿歌

其人呼為福俚至此改曰福祿狀如騾其文白黑相錯勻瑩淨潔可觀

奇獸生來毛骨殊不與凡類同馳驅玄章素質祭雲

錦霜蹄綉尾踰龍駒神物尋常懷猛氣倏忽應須籥

千里五花連錢難可同玉驄赤驃寧堪儼矯嘶蹴踏

長風生朝刷溟海波濤驚崑岡疊疊蒼壁萃雪嶺片



片玄雲凝鷲駘跼蹠弗敢顧廣達大道騁獨步肯後  
僻壤困奇材欲向天衢駕鑿輅五雲城闕宮殿開九  
陌喧傳福祿來玉階立近榮光繞彤墀行逐祥烟廻  
漢庭龍馬曾入貢一時鷲喜誇歌頌若教覩此奇異  
姿寧遣清名溼注重

駘鷄歌

駘鷄之生西南之國溟海之濱屹立峙金距延頸凌  
秋雲玄翎間素彩玉翻無纖塵初日揚光輝曠隴絢  
烟霧飢啄禹日粮渴飲堯時露獨迎扶桑景自識蟠  
桃樹晞太陽憇朱垠游曠野違荆綦怒無與鬪行無

與群鴻鷗雉鷲之瑣瑣焉足論刷羽瑤空忽飛雪一  
鳴天下皆逢春感茲太平時飛之各得所栖宿良自  
由况復懷樂土歛然飛來游上國內苑追隨鳳凰侶  
不知大鵬之搏九萬里一息果何許却笑赤鷄輩長  
守藩籬下

馬哈歌

海天漠漠雲山蒼茲獸之產特異常體繞數尺不勝  
量勻圓瑩潔澹積細頭上雙角過腰長黑如凝漆飛  
玄霜赤日下照柔虹光柔毳煜煜相輝煌或游豐草  
憇崇岡鳴驚岩鹿走山麀豺獾不敢與同行玄豹或



遇猶傍徨遙從蠻徼貢

帝鄉天階徐步甚安詳有如堯日見神羊豈美白雉

來越裳遠人率服由我

皇鴻恩霈澤被遐邦執琛奉贄爭梯航此物亦復陳

明堂蠻夷酋長紛趨踰拜舞長跪獻壽觴頌祝

聖壽齊天長

耕樂

山邊結屋溪上耕山溪樵漁知我名平原雨足扶耒  
出綠樹春晴聞鳥鳴田家種田少閑暇轆轤總一作  
禾架陌上分畦植豆苗墻陰隙地栽桑拓東郊牧牛

牛盡肥自從樹藝多及時秋穀登場看獨早公門輸

稅未曾遲西風酒熟會隣舍但說年年好耕稼盛時

無事身得閑縱飲高歌到深夜曉來門巷散鷄豚幾

家烟火接孤村不言倉廩多儲蓄猶有書聲在白雲

送恂如周員外徵賦兩浙得江字

文江才子尚書郎英姿俊爽無與雙年來三十聲名

震雄辭健筆磊落如濤瀾鯤鵬奮翅驂騶驤蹴蒲雲

路遺徒扛功名富貴在指掌蒲牢萬石筵可撞鯨魚

焉能久處涓滴之流淙忽然

命出金闕道傍觀者何紛麗急管繁絃促離思朔風



大雪隨飛駝國賦東南十八九試令佐理待經邦使  
節翩翩向吳越錦帆迢遞渡三江關山千里遙相望  
歸來握手心始降綠楊啼鳥雲霧窓與酣白日倒金  
缸

送人歸文江

侵晨携客登高臺送人獨向江南回半酣落日更呼  
酒醉來不管驪駒催看君磊落多意氣一生不省山  
林事欲窮湖海縱遨遊豈似尋常作生計今年又買  
西江舟放棹中流心浩然東風花柳金陵道細雨帆  
檣江浦煙覽觀壯觀情未已北上金臺渡淮水千里

馳齊魯郊一尊邂逅都城裏都城繁華天下無淹  
留延賞形神舒忽望鄉閩動歸興使理行裝逼歲除  
歲闌握別亦何苦朔風吹雪紛紛下寒經驛路見鴻  
飛春入文江聽鶯語文江春日正相宜佳人應念行  
人歸到家樂事知多少還憶金臺送別時

枯栢渡送劉通判

雙江合勢起閩城絕岸通津何所憑曾聞連策駕空  
度能使行人渾不驚急湍澎湃盤渦轉孤光蕩漾雲  
霞絢天際長虹晴不消霧裏行舟疾如箭回風吹浪  
凌空虛江干白日玄猿呼文鶯翔舞不敢下巨靈巖



巖安其居送君歸時從此去江水江花宛如故  
為訪少陵翁舊日題詩在何處

山水圖為劉校書賦

高山攢巖挿天起綠樹叢陰碧雲裏絕磴垂蘿不可  
扳深處人家知有幾東風吹雨度林西江頭一夜水  
平堤雪浪洪濤洞庭渚晴沙綠岼浣花溪武陵花落  
春流急赤城霞漲蒼崖濕谷口如聞幽鳥啼潭深疑  
有虬龍蟄鯨翻鼉吼滄溟東潮頭怒勢欲凌空扁舟  
艤棹無人渡只尺江津那得通勝境從來少能識五  
湖水綠蒼梧碧安得幽閑作遠遊隨處看山訪遺迹

雪舟同載為傅知縣玉潤賦

卿家伯仲才且賢共誇折桂秋風前翻然並轡上京  
國彤庭射策五雲邊衆中喧傳好兄弟金榜前頭有  
名字簪花列宴盛光輝結駟鳴珂多意氣憲臺駉  
那得同相携出入蓬萊宮高梧紫鳳鳴朝日搏雲勁  
翻待秋風驛騎千里誤一蹶頓令荆樹無顏色扁舟  
迢遞上金臺長河道路當冰雪蓬窓有酒聊共傾陽  
春送和誰為聽稍似機雲入京洛何如風雨對彭城  
經年復得承

息遇暫許還家畢婚娶冠蓋何殊往日歡帆檣猶記



來時路歸朝又喜拜親除雙鳥飛鳥別

皇都杉閣瘴霧連閩粵五湖烟景接姑蘇夙昔相看  
不厭久客鄉離索難為守芳草池塘勞夢思暮雲春  
樹堪回首昨來述職一經過鳴琴不遇空高歌悠悠  
孤棹剡城去舊時同載今如何春雪紛紛逐歸舫忽  
憶他年暝猶往抵今悵望行獨遲那得徘徊共清賞  
關河綿邈歎驅馳故將幽意寫新圖丹青所及止如  
此骨肉深情那可書

九峯樵隱

山居絕遊衍安知山淺深出門無所適惟聞樵採聲

大山蒼蒼盡喬樹小山荆榛欲無路一望雲林入渺  
茫疊嶂層巒是何處詰朝礪斧還自持隨意行歌誰  
得知負薪肯過城中市坐石聊觀松下碁松陰瑤草  
偏能長山鳥林猿見來往逐伴多愁絕磴危扳崖亂  
折枯枝響歸來爨室稱閑情能將藜藿炊香羹心中  
不自知憂樂世上何人識姓名無聞得深趣駟馬高  
車更何意明時官府少徵科暇日朋遊愜歡聚更愛  
藏書不計錢閑居作賦度華年塵紛斷絕庭宇淨始  
信山中別有天

送進士漳州校官



幾年折桂揚英聲今春就試來

神京南宮落筆驚風雨金榜爭看進士名富貴榮華  
眼前有獨喜儒官少奔走雙闕封章感

聖情一日清名滿人口承

恩曉別薊門前遙持教鐸興悠然客中離思縈芳草  
堤岍揚花拂錦韉長河迢迢從此去南行遙望衫關  
路雪浪雲濤海潮榕陰柳葉樟州樹漳州自昔多  
賢才泮林數日待君來定知明年桃李樹春花盛似  
今年開

石泉歌為顧應文賦

石泉生何所管閑居蕭散不求名尋常亦自得幽趣  
漱泉坐石心逾清况是雲間好山水竹杖芒鞋隨意  
行九峰崢嶸如削玉峭壁層崖帶平陸香泉迸落谷  
水流掃石臨流時濯足薛澗湖中秦望邊吳淞三泖  
遙相連顧亭林下訪遺跡仙人洞口拂晴烟有時揮  
洒見胸臆石林松迳何冥密墨客騷人每共尋樵夫  
漁父能相識忽然赴  
召來神京石泉久別獨閑情望餘震澤三江遠夢入  
崑山萬壑青東南茫茫海天迥到處逢人說幽勝展  
圖似見故園春猶可高歌寄餘興



陳主事行樂圖

青年白晷秋曹客意氣相傾爍金石寒冰炯晃顏王  
壺暖日照耀連城壁刑清訟簡春日閱芳街紫陌樂  
遊盤感金綉服白銀帶紫絲驄馬雕玉鞍璫籤玉漏  
報天曙珂馬堂堂拂雲去通籍朝聯玉笏班退朝夜  
著甘泉賦蒼頭兩兩蒼松陰携將寶劍綠綺琴碧桃  
翠柳描春色乳燕嬌鶯啼好音香車寶馬如流水蹴  
踏芳塵半空起貴遊不羨七貴門感荷異平得如此

送王祿勸復任澹淵

憶從少年遊泮池與君出入長相携春雨鶯花共吟

興夜窓燈火接光輝我慙落魄無與比世人見我誰  
相喜惟君凋倘好襟懷靡肝瀝膽崇交契余既啣憂  
在倚廬看君獻藝登天衢才高大學誰不羨名重銓  
曹誰得如家林徒自歎垂隔出宰花封別京國三年  
堂上但鳴琴百里人家樂耕織忽然報政來天官獨  
持使節不辭難登高覽古思湧泉氣凌泰華晴雲端  
我時擢桂留詞苑恨不相逢一聚歡雄藩大臣重國  
器文章特薦金門裏朱轡皂蓋向滇南五馬雙旌照  
秋水喜因扈蹕正南還一壺相送大江邊東風吹雨  
落杯酒揚柳飛花撲去舡從茲一別又幾年離情有



似亂絲牽金沙江上莎草綠薊北城頭明月懸黃金  
臺前忽相遇未慙歡娛復歸去朔風蕭蕭送曉寒霜  
雪我我沒行路蠻邦民俗久相安思君望君君早還  
須令到郡慰饑渴寧肯臨岐慘別顏冰積長河北風  
起騏驎飛騰躡千里晴過巫峽帶行雲夜泛滇池渡  
秋水龍雲山下春烏鳴普渡河邊民吏迎黃堂無事  
有清製可得緘題慰我情

東園別墅

棄園之東得幽趣別築華堂向深處千里縈迴擁翠  
峰一片葱蘢隱嘉樹明時無事遂閑居獨對琴書聊

自娛松篁林下開三迳楊柳門前種幾株軒窓玲瓏  
白日靜溪壑流泉入清聽客來命酒壘交歡興發幽  
吟適情性當階蘭芷淨芬芳開窓故帙飄芸香俯臨  
碧沼看魚躍仰睇青霄見鴈行雉兄令弟才經國三  
鳳翩翩好顏色絕澗招尋異考槃玉堂暉映真聯璧  
昨來薊北嘉相逢忽念園林歸興濃邀我銜盃索詩  
句詩成告別何匆匆歸去優游樂山水空遣相思在  
京邸何日南還過字江訪君直到東園裏

清風軒

沈存讓撰我北京好清雅愛植花木共  
清玩故其居獨有竹一本號清風軒來

詩末



隱侯裔孫愛幽獨客舍閑來便栽竹六月涼梢拂檻  
楹一片秋陰似山谷誰言此地寒不宜看君種植曾  
幾時凌霄直節自堪賞絕俗高標那得知雪霜凋落  
歲云暮獨見脩脩對庭戶翠色疑連嶰谷雲雨聲不  
辨瀟湘路綠苔三徑遶琅玕清風滿座生晝寒飛塵  
不到得深趣好客相過許借看世人紛紛競浮糜况  
復繁華在城市空羨春風桃李花那識高軒有如此

磻州書屋

聞君家住磻州涓環山綠水含清暉屋中藏書數萬  
卷世業相傳寔在茲牙籤滿架不可數口誦心唯未

言共白晝開窓日照帷清夜囊螢月當戶却笑傍人  
一事希鄴侯幽興誰得知回風每覺蕙香度翻帙時  
看脉望飛卿家自是簪纓喬况襲餘芳尚高致入室  
淮聞弦誦聲出門肯競錐刀利幾年宦遊在雲路楚  
水鄉山隔烟霧懸興倘遂歸來願訪爾磻州讀書處  
泉石生涯為凱上人賦

真僧定慧好出家只將泉石為生涯漱餘勝地流香  
水坐久優曇散落花跡比閑雲絕塵想白石清泉懷  
幽賞暝入雲根那得移曉汲江深不聞響松陰岩竇  
日徘徊霞蒸霧濯無纖埃點頭也自悟空寂見性寧



教容墨灰滄波浩浩杯中渡誰識禪心無所住不須  
破石引帆檣鷺窠鷺岡任來去一瓶一鉢無一錢聞  
歌渾似葛洪川興飛碧海昆吾淨夢入匡廬瀑布懸  
昨來都門忽相遇杖錫淹留對春雨城西孤館幾迴  
過邀我題詩索長句為說隨緣契六空人間刺住若  
為容何日金山復歸去長臨泉石坐談空

道大年花鳥圖

安少諸孫多俊才遠持圖畫到金臺展圖便覺東風  
起千樹萬樹花爭開鴈鳩鳴時春雨作碧樹雙棲太  
平鷓鴣洲柱若散幽香野谷流泉注深壑恍若朝臨

渭水濱忘機鷗鳥長相親遙看歌岸盡脩竹不見當  
時垂釣人欲問桃源在何處洞口桃花餘幾樹沙暖  
王睢睡正酣渚暝鷺鷥飛不去浣花溪上徑路微陶  
令門前楊柳垂金灘鷓鴣忽然出白日鷓鴣不敢飛  
一望江村渺無際春風淡蕩春光媚疑從上苑聽新  
鶯宛在中牟見馴雉是誰工遣妙入神趙家公子無  
與倫不覺丹青寄毫末力幹造化回天真我家居住  
瀘溪溪花徑園林正如此為爾題詩更把看坐令無  
限江南思

送陳師周還求豐中書之子



雨中狂顧絕幾日泥濘當門未曾出可慚尊酒接歡  
遲復理單車促歸疾歸時天雨忽開晴臨岐喜得送  
君行七月秋來無過鴈孤亭柳暗尚聞鶯鶯聲恰似  
知人別前聲後聲啼不絕當杯祖席那得停握手離  
情可堪說昨來京國省嚴親相逢多是故鄉人學禮  
從知過庭慣倚門應想夢歸頻以茲繾綣難久住南  
行遙指鄉關路綠舫沿洄楚水舟白雲繚繞息江樹  
太平官府少追呼况是名家千里駒簾前白日莫虛  
度好趁閑時多讀書

畫山水為憺上人賦

秋江水流清見底江上連山翠如洗綠樹平林嵐彩  
浮白沙遠渚烟光紫崩崖峭壁縈層壑玄雲漂渺生  
晝寒萬里春濤棄杯渡半空秋色少人看此中不是  
人家住四邊無隣山無路自非三峽幻遊時渾似雙  
林說空處空中飛錫未曾下山險馱經不容馬布地  
人疑對給園過橋誰復尋蓮社從來蘭若盡深幽吾  
師蕭散亦何求心清智月無圓缺跡比閑雲任去留  
昨入都城寫經罷到處隨緣亦多暇松偃靈岩未得  
歸謾向娑婆看圖畫

雪景



北風捲雨忽飛雪萬山積素光玉潔細泉陟澗窺木  
流老樹枯梢總摧折山中人家凡幾家青竹當門石  
逕斜寒侵翠柏不改色凍入江梅未作花層巒傑構  
排飛闥疑是仙家白銀闕一望遙空絕點塵高擁瑞  
臺闕林越山深雪積猶未消是誰策蹇山路遙不將  
清興賦梁苑何處逢人問灞橋昔聞謝莊獨才俊朝  
回雪片飄衣潤忽見高堂列畫圖為爾題詩想風韻

畫山水

江邊歌石淨臨流白沙翠竹涵清秋松栢回環鬱森  
爽人家居住更深幽童子開門天欲曙獨起看書少

塵慮隔岼雲連何處山沿溪水沒滄洲路幽人杖策  
故相尋帶得蒼頭携素琴石苔徑滑行益遠候望連  
迴綠柳陰小橋風景宛如昨極浦微茫見孤鶴主人  
不知有客來猶自寒帷坐高閣杜陵破屋倚江干秋  
風柝樹又摧殘使得幽閑有如此豈復長思千萬間

李都御史所藏錢舜舉金碧山水

高山盤盤入紫清攢巒疊嶂何崢嶸平林積翠淨葱  
鬱凌空絕磴相緣縈日出滄溟絳霞散丹崖翠谷光  
璀璨晴天瀑布飛半空細雨流泉沒深澗春泉出澗  
大江流江波浩蕩無時休渡頭風急少鷗鳥煙外斜



陽多釣舟山中人家有餘樂輿梁石橋度幽壑故令  
茅屋住高源盡把松枝作籬落沿溪路入武陵間平  
林遠岫不可攀彷彿匡廬竹林寺依微霞氣天台山  
是誰畫此獨竒絕坐者只尺凌空闊抵疑勝境在眼  
前未覺丹青寄毫末蘭臺公子亦愛之頓令圖書生  
光輝朝回玩適樂清暇獨守忠貞誰得之

夏珪荷亭聽雨為李都御史題

小溪浩蕩春水寬荷葉攢青絕可觀茅亭正此樂幽  
賞誰遣狂風生晝寒狂風折我亭邊樹黑雲如凝雨  
如注忽驚暝色一時來亂捲寒聲入空去開窓偃卧

聽不休菱荷被折隨風流明珠驟落蒼壁碎波濤洶  
湧馮夷愁天光漏雲欲解薄萬里風颺忽復作稍似  
瀟湘竹下聞何如喜雨亭中樂須臾雨止風亦停笑  
藻歷亂如飄萍晴川一望淨如洗落日長歌無恨情  
將進酒送僉事黃公

將進酒待秋風秋風吹征騎嘶向都城東城中冠蓋  
集送客至壺清酒琉璃鍾臨歧引酌不辭滿當筵意  
氣誰可同竹林士柴桑翁一生酣醉杯酒中何如飲  
酒日不醉醉來衣繡還乘驄清風激烈下孤阜草間  
狐兔都無蹤將進酒為君歌歌聲長誰相和請君留



須臾慰我重徘徊愛君不忍別送君直上黃金臺知  
君他日在廊廟願得澄清光草萊

古廉李先生詩集卷六



佛經